

彊邨叢書



蘋洲漁笛譜目錄

卷一

木蘭花慢十

浪淘沙

浣溪沙三

東風第一枝

楚宮春

大聖樂

三犯渡江雲

露華

桃源憶故人

糖多令

西江月

菩薩蠻

繡鸞鳳花犯

探春慢

瑤花慢

玉京秋

鷓鴣天

夜行船

采綠吟

解語花

曲游春

大聖樂

桂枝香

杏花天

南樓令

秋霽

齊天樂

憶舊游

一枝春

點絳脣

戀繡衾

江城子

綠蓋舞風輕

玲瓏四犯

謁金門

眼兒媚

拜星月慢

好事近

卷二

長亭怨慢

齊天樂

月邊嬌

宴清都

梅花引

瑞鶴仙

倚風嬌近

英臺近

浪淘沙

浣溪沙二

齊天樂

大酺

霓裳中序第一

過秦樓

聲聲慢二

風入松

浪淘沙

鷓鴣天

夜行船

齊天樂

滿庭芳

清平樂二

乳燕飛

掃花游

龍吟曲

風入松

鳳棲梧

少年游

西江月

清平樂

朝中措

聞鵲喜

浣溪沙

吳山青

英臺近

長相思

清平樂

柳梢青

南樓令

聲聲慢

明月引

六幺令

謁金門

好事近

聲聲慢

憶舊游

水龍吟

二

徵招

醉江月

集外詞

夜合花

水龍吟

天香

珍珠簾

疏影

齊天樂

滿江紅

玉漏遲

西江月

杏花天

好事近

四字令

醉落魄

祝英臺近

甘州二

齊天樂

憶舊游

聲聲慢

踏莎行

國香慢

一萼紅

掃花游

三姝媚

獻仙音

高陽臺

慶宮春

高陽臺

探芳訊

四字令

西江月

江城子

少年游

好事近

西江月

醉落魄

朝中措

醉落魄

浣溪沙

踏莎行

蘋洲漁笛譜卷一

齊人周密公謹

廣陵江昱賓谷考證

木蘭花慢

西湖十景尚矣張成子嘗賦應天長十闋誇余曰是
古今詞家未能道者余時年少氣銳謂此人閒景余
與子皆人閒人子能道余顧不能道耶冥搜六日而
詞成成子驚賞敏妙許放出一頭地異日霞翁見之
曰語麗矣如律未協何遂相與訂正閱數月而後定
是知詞不難作而難於改語不難工而難於協翁往
矣賞音寂然姑述其概以寄余懷云

是按絕妙好詞張龍榮字成子號梅深齊東野
語往時余客霞翁之門翁知音妙天下而琴尤精

詣自製曲數百解皆平淡清越灝然太古之遺音也翁往矣同思著唐衣坐紫霞樓調手製閒素琴第製瓊林玉樹二曲供客以玻瓈餅洛花飲客以玉缸春酒笑語竟夕不休猶昨日事而人琴俱亡冢上之木已拱矣悲哉

補浩然齋雅談楊纘字嗣翁號守齋又號紫霞本鄱陽洪氏恭慎太后姪楊石之子麟孫早天遂祝爲嗣公洞曉律呂嘗自製琴曲二百操又嘗云琴一絃可以盡曲中諸調當廣坐合奏一字之誤公必顧之仕至司農卿浙東帥以女選進淑妃贈少師所度曲多自製譜後皆散失

蘇堤春曉

恰芳菲夢醒漾殘月轉湘簾正翠崦收鐘彤墀放仗臺
榭輕煙東園夜遊乍散聽金壺逗曉歇花籤宮柳微開
露眼小鶯寂妒春眠冰匳黛淺紅鮮臨曉鑑競晨妍
怕誤卻佳期宿妝旋整忙上雕軒都緣探芳起早看堤

邊早有已開船薇帳殘香淚蠟有人病酒慊慊

方輿勝覽西湖在州西周迴三十里山川秀發四時
畫舫遨遊歌鼓之聲不絕好事者嘗命十題云云
西湖志宋元祐閒蘇軾築堤湖上自南山抵北山夾
道植柳林希榜曰蘇公堤張龍榮應天長蘇堤春
曉云曙林帶暝晴靄弄霏鶯花未認遊客草色舊迎
雕輦蒙茸暗香陌秋干架閒曉索正露溼繡鴛痕窄
費人省隔夜濃歡醒處先覺重過湧金樓畫舫紅旌
催向斷橋泊又怕晚天無準東風妒芳約垂楊岸今
勝昨水院近占春先酌恁時候不道歸來香燼鐙落

又

平湖秋月

碧霄澄暮靄引瓊駕碾秋光看翠闕風高珠樓夜午誰
擣玄霜滄茫玉田萬頃趁仙查咫尺接天潢彷彿凌波
步影露濃佩冷衣涼明璫淨洗新妝隨皓彩過西廂

正霧衣香潤雲鬟紺溼私語相將鴛鴦誤驚夢曉掠芙蓉度影入銀塘十二闌干竚立鳳簫怨徹清商

西湖志宋祝穆方輿勝覽序西湖十景首平湖秋月蓋湖際秋而益澄月至秋而逾潔合水月以觀而全湖之精神始出也張龍榮應天長平湖秋月云候蛩探暝書雁寄寒西風暗翦綃織報道鳳城催鑰笙歌散無迹冰輪駕星緯逼漸款引素娥遊歷夜妝靚獨展菱花淡綉秋色人在湧金樓漏迴繩低光重裏香滴笑語又驚棲鵲南飛傍林闌孤山影波共碧向此際隱逋如識夢仙遊倚徧霓裳何處聞笛

又

斷橋殘雪

覓梅花信息擁吟衷暮鞭寒自放鶴人歸月香水影詩冷孤山等閒泮寒暄暖看融城御水到人閒瓦隴竹根更好柳邊小駐遊鞍琅玕半倚雲灣孤櫂晚載詩還

是醉魂醒處畫橋第二箇月初三東闌有人步玉怪冰
泥沁溼錦鵲斑還見晴波漲綠謝池夢草相關

西湖志出錢塘門循湖而行入白沙堤第一橋三斷
橋界於前後湖之中水光潋灩橋影倒浸如玉腰金
背凡探梅孤山蠟屐過此輒值春雪未消葛嶺一帶
樓臺高下如鋪瓊砌玉晶瑩朗徹不啻玉山上行孤
張龍榮應天長斷橋殘雪云鶯漸老曉篙水漲漪孤
山漸捲雲簇又見岸容舒臘菱花照新沐橫斜樹香
未北倩點綴數梢疏玉斷腸處日影輕消休怨霜竹
簾上湧金樓酒豔酥融金縷試春曲最好半殘鴉鵲
登臨快心目
外柳下吟鞭歸趁遊燭
補武林舊事斷橋又名段家橋萬柳如雲望如裙帶

又

雷峰落照

塔輪分斷雨倒霞影漾新晴看滿鑑春紅輕燒占岸疊

鼓收聲簾旌半鉤待燕料香濃徑遠趲蜂程芳陌人扶
醉玉路旁懶拾遺簪 郊垞未厭遊情雲暮合謾消凝
想罷歌停舞煙花露柳都付棲鶯重闥已催鳳鑰正鈿
車繡勒入爭門銀燭擎花夜暖禁街淡月黃昏

西湖志淨慈寺北有山自九曜峰來逶迤起伏爲南
屏之支脈昔郡人雷就居之因名雷峰吳越王妃建
塔於峰頂每當夕陽西墜塔影橫空此景最佳林逋
雷峰詩云夕照前山見故十景有雷峰夕照之目
張龍榮應天長雷峰夕照云磬圓樹杪舟亂柳津斜
陽又滿束角可是暮情堪翦平分付煙郭西風影吹
易落認滿眼脆紅光鑠算惟有塔起半輪千載如昨
誰信湧金樓此際憑闌人共楚天約準擬換尊陪月
綢空捲塵幕飛鴻倦低未泊鬪倒指數來還錯笑聲
裏立盡黃昏剛下簾箔

又

麴院風荷

輭塵飛不到過微雨錦機張正蔭綠池幽交枝徑窄臨
水追涼宮妝蓋羅障暑泛青蘋亂舞五雲裳迷眼紅綃
絳綵翠深偷見鴛鴦湖光兩岸瀟湘風薦爽扇搖香
算惱人偏是縈絲露藕連理秋房涉江采芳舊恨怕紅
衣夜冷落橫塘折得荷花忘卻權歌唱入斜陽

西湖志九里松旁舊有麴院宋時取金沙澗之水造
麴以釀官酒其地多荷花舊稱麴院荷風張龍榮
應天長麴院風荷云換橋渡艇添柳護堤坡仙舊欠
今續四面水窗如染香波釀春麴田田處成暗綠正
萬羽背風斜矗亂鷗去不信雙鴛午睡猶熟還記湧
金樓共撫離闌低度浣紗曲自與故人輕別榮枯換
涼燠亭亭影驚豔目忍到手又成輕觸悄無語獨撚
花鬢心事曾小

又

花港觀魚

六橋春浪暖漲桃雨鰕初肥正短櫂輕蓑牽筒苕帶縈
網蓴絲依稀岸紅遡遠漾仙舟誤入武陵溪何處金刀
膾玉畫船傍柳頻催芳堤漸滿斜暉舟葉亂浪花飛
聽暮榔聲合鷗沈暗渚鷺起煙磯忘機夜深浪靜任煙
寒自載月明歸三十六鱗過卻素牋不寄相思

西湖志蘇堤第三橋曰望山與西岸第四橋斜對水
名花港通花家山下有盧園爲宋內侍盧允升別
墅景物奇秀鑿池登石引湖水其中畜異魚數十種
稱花港觀魚張龍榮應天長花港觀魚云岸容浣
錦波影墮紅纖鱗巧避鳬唼禹浪未成頭角吞舟膽
猶怯湖山外江海市怕白有暗泉流接楚天遠尺素
無期枉語停楫回望湧金樓帶草蠻煙縹緲際城堞
漸見暮榔敲月輕舫亂如葉豪梁興歸未恆記舊伴
衷攜留擘指魚水總是心期休怨三疊

又

南屏晚鐘

疏鐘敲暝色正遠樹綠恹恹看渡水僧歸投林鳥聚煙
冷秋屏孤雲漸沈雁影尙殘簫倦鼓別遊人宮柳棲鴉
未穩露梢已挂疏星重城禁鼓催更羅衷怯暮寒輕
想綺疏空掩鸞綃翳錦魚鑰收銀蘭鐙伴人夜語怕香
消漏永著溫存猶憶回廊待月畫闌倚徧桐陰

西湖志南屏山在淨慈寺右興教寺之後正對蘇堤
寺鐘初動山谷皆應逾時乃息蓋茲山隆起內多空
穴故傳聲獨遠張龍榮應天長南屏晚鐘云翠屏
對晚鳥榜占堤鐘聲又斂春色幾度半空敲月山南
應山北歡娛地空浪迹謾記省五更聞得洞天曉夾
柳橋疏穩縱香勒前度湧金樓嘯傲東風鷗鷺半相
識暗數院僧歸盡長虹臥深碧花閒恨猶記憶正素
手暗裁輕拆夜深後不道人來鐙細窗隙

又